

宋東京考卷之十五

嘉興石匏周 城緝

寺

天清寺

初在宣化門外繁臺前周世宗顯德中創建寺內

有元末兵燹寺塔俱廢明洪武十九年僧勝安重建

默記 藝祖初自陳橋推戴入城周恭帝即衣白爛乘

轎子出居天清寺天清世宗節名而寺其功德院也

庚溪詩話 靖康間遊京師天清寺於僧房壁間得一

絕云空餘綠綺琴懶把新聲寫不見臨邛人誰是知

音者不題名氏想有感而題之也

宋東京考

卷之十五

一

國相寺

在天清寺南即天清寺之前樓也明洪武十七年僧勝安因樓廢址改建佛殿名曰國相寺

白雲寺

在天清寺西北即天清真於其址重建殿宇仍明

其名曰白雲寺

國相寺記

國相寺繁臺前寺也臺有三寺後曰白雲

中曰天清塔斷而中立有鶴巢其上戛戛鳴按夢華

錄繁臺寺一耳亦不言其地之盛嘗聞之長老曰寺

一耳而三其教中教之講僧玉色褊衫後教之禪深

褐褊衫前教瑜珈淺褐褊衫而寺遂三後有白雲閣

於是號白雲寺中有天清殿於是號天清寺前有國

相門於是號國相寺國初剷王氣塔七級而去其四

焉

興國寺

興有二間一在馬軍衙橋東北本唐龍興寺也太平

王始府明洪武初為宋燬元馮勝宅一在城西南開緣

保始府明洪武初為宋燬元馮勝宅一在城西南開緣

國朝會要

興國寺乃唐龍興寺也開寶二年詔重修

太平興國元年賜今額

遺史紀聞

汴都太平興國寺舊龍興寺也周世宗廢

為龍興倉國初寺僧屢聲鼓司求復為寺太宗怒遣

中使持劍以諭之曰此寺前朝所廢為倉廩以貯軍

儲汝何故煩瀆帝庭朝命斷取汝首且戒曰倘偃蹇

宋東京考

卷之十五

二

怖畏即斬之或臨劍無懼即未可也既諭神色自若

引頸就戮中使以聞上為之感歎即日如其請復改

為寺

楓窻小牘

淳化三年冬十月太平興國寺牡丹紅紫

盛開不踰春月冠蓋雲擁僧舍填駢有老妓題寺壁

云曾趨東風看幾巡冒霜開喚滿城人殘脂剩粉憐

猶在欲向彌陀借小春此妓遂復車馬盈門

鐵佛寺

有詳一在新鄭國寺東相傳亦本寺河隄之南始建

巴婁寺

建在城西元金末兵燬始

鴻福寺

一有在二城一東在北城西沙窩岡崇寧元始建未詳成化中僧燬

本資  
重修

地湧佛寺

在陳州門內之南草場巷始建未詳元末兵燬

法雲寺

在麗景門外雲驥橋西神宗熙寧四年創建元末兵燬

續文獻通考

東京法雲寺法秀圓通禪師隴城辛氏

子初住龍舒四面後詔居長蘆法雲為鼻祖神宗崩

宣就神御前說法賜號圓通善本大通董禪師穎人

仲舒之後哲宗詔住上都法雲寺賜號大通大觀三

年寂有異禽翔集鳴於庭而去法雲惟白佛國禪師

有續燈錄三十卷徽宗親賜序白靖江人

旌德寺

在城東北南神岡上始建未詳元末兵燬

宋東京考

卷之十五

三

十八聖寺

在封邱門外之東因有白塔又名白塔燬

清鐘寺

在城西池北永安保蓮花池後

普求寺

在城西北白墓子岡

崇夏寺

在麗景門外之東始建未詳金門季兵燬

景德寺

在麗景門外之東顯德五年以相國寺僧多居隘詔就寺外進蔬圃別建下院賜額天壽寺俗

呼東相國寺真宗景德二年改名景德寺後有定光釋迦舍利塔累經兵燬河患久為平地矣

竹坡詩話

大梁景德寺峨眉院

一作三學院

壁間有呂洞

實題字寺僧相傳謂頃時有蜀僧號峨眉道者戒律

甚嚴不下席者二十年一日有布衣青裘昂然一偉

人來與語良久期以明年是日復相見於此願少見

待也明年是日日方午道者沐浴端坐而逝至暮偉人果來問道者安在曰亡矣偉人歎息良久忽復不見明日書數語於堂側壁間絕高處其語云落日斜西風冷幽人今夜來不來教人立盡梧桐影字畫飛動如翔鸞舞鳳非世間筆也宣和間予遊京師猶及見之

塵史 余少時同伯氏從學於里人鄭毅夫假館京師景德寺之白土院皇祐壬辰是歲秋試鄭與余兄弟皆舉國學進士時已差考試官矣一日院僧德珍者言昨夢院內南忽有池水中一龍躍而起與空中龍

宋東京考

卷之十五

四

鬪池龍勝而歸其時旁院書生有曰某當作狀元毅夫微笑曰狀元當出此院於是伯氏書僧夢與日月在於寢室門時八月也明年癸巳春殿試鄭公果狀元予自東華門迓鄭歸白土院坐定僧乃取所記夢帖子曰果驗矣

一統志 志言落髮東京景德寺相貌竒古語笑無度時從屠酤遊飲噉無所擇衆以為狂然事多前知仁宗嗣未立默遣內侍至志所志言書有十三郎字人莫測何謂後英宗以濮王第十三子入繼衆始悟

河南通志

志言本姓許氏自壽春來居東京景德寺

為人卜休咎書紙揮翰甚疾字體遒勁初不可曉其  
後多驗有具齋薦鱸者則并食之臨流而吐化小鮮  
群泳而去海客遇風舟且沒見僧操絙引舶而濟客  
至都下志言謂客曰非我汝奈何客猶記其貌真引  
舟者也後卒仁宗以其真身塑像置寺中榜曰顯化  
禪師

南大黃寺

在城東北母寺保張耳之本受重建併於相末

寺國

北大黃寺

在城東北陳武橋二保十年仁宗曹太后勅修於相末

寺國

宋東京考

卷之十五

五

景福寺

在城東北馬尾墻保始建未詳元末兵燬

保福寺

一名母子二人在城北後淪於河于

以上皆僧寺

天祿識餘 宋呂申公素喜釋氏之學及為相務簡靜  
罕與士大夫接惟能談禪者多得從遊於是好進之  
徒往往幅巾道袍日遊禪寺隨僧齋粥談說理性覬  
以自售時人謂之禪鑽云

打瓦尼寺

在城內土市子街東北惠和坊始建未詳元末兵燬

兩浙尼寺

在城西金水河側始建未詳金季兵燬

十八壽聖尼寺

在城西金水河北始建未詳金季兵燬

僧史略 初僧尼受戒同壇太祖惡之開寶五年二月  
丁丑詔曰僧尼無間實紊教法尼有合度者只許於  
本寺起壇受戒蓋自此始別立尼受戒壇也

祠

桂香祠

在太學內祀文昌司祿宏仁帝君左右桂祿二  
籍仙官後太學徙而祠存乃改稱梓潼廟凡應

試士子祈  
禱有應

三餘贅筆 梓潼神祠在處有之而學宮事之尤謹按  
梓潼為四川屬縣上直參宿參有忠良孝謹之象其  
山水深厚為神明之所宅或謂斗魁為文昌六府主  
賞功進爵故掇科之士在往事之或謂神為張宿之

宋東京考

卷之十五

六

精詩所謂張仲孝友是也其說不可深考

闕言長語 天下學宮皆立文昌祠奉之以主可也而  
人其像春秋祀之以牲世俗相傳謂其神為周時賢  
士張仲死後為之搜神記又按清河內傳為吳會間  
人張戶老之子名亞又有七十三化之說近又刊七  
十九化書使人可驚可畏而儒者亦信之不知北斗  
之前有星曰文昌史謂其理文司祿但一星耳有是  
星則有是神祠而奉之在禮雖未之有亦崇文之義  
焉

蠡海錄

梓潼文昌君從者曰天龔曰地啞蓋帝君不

欲人之聰明盡用故假聾啞以寓意耳夫天地豈可  
以聾啞哉

真武祠

祠在繁臺東南開寶初有人於此見龜蛇因建是  
祠天禧二年泉湧祠側療疾輒愈乃改建為祥

源觀而祠  
遂併入焉

譚言長語 按曲禮曰前朱雀而後玄武玄武乃北方  
七宿之象而傳記所謂龜蛇也宋有天下尊崇聖祖  
嫌名玄朗改玄為真道家者流謂神有名字里居真  
武經又有披髮跣足世遂塑黑衣翩翩披髮按劍而  
坐脚踏龜蛇一何悖耶宋祭酒訥宋學士濂皆嘗辨  
之

宋東京考

卷之十五

七

續文獻通考 按傳記北極佑聖真君蓋真武神也真  
武本玄武宋真宗尚道教避聖祖諱改玄為真玄龜  
也武蛇也本北方玄武七宿虛危星形似之故因名  
後乃以玄武為真武而作龜蛇於下靖康初詔加號  
佑聖助順真武靈應真君及考圖志乃云真武為靜  
樂國王太子也生而神靈長而勇猛志除邪魔遇紫  
虛元君授以道祕東遊遇天神授以寶劍入武當山  
脩煉功成白日飛昇奉上帝命往鎮北方披頭跣足  
皂纛玄旗統攝玄武之位則此道家傳會之說殊為  
誕妄

異林 世真武像俱有龜蛇相傳以龜蛇為妖真武服之非也武當志謂北方七宿成形為玄武玄武者龜蛇也玄之色赤而黑龜蛇則皆鱗甲武之象也真武北極之神龜蛇亦以象形云微此則所傳者或以為真矣

紺珠閒錄 真武即玄武宋避祖諱改玄為真夫玄武乃斗牛女虛危室壁七宿位居北方屬水故祠祀之以厭火災如漢武帝柏梁殿飾以蚩尾蚩乃海獸水之精也水能克火因置此像又如徐州黃樓黃土色土所以勝水也

### 宋東京考

### 卷之十五

八

赤帝祠

在城內安業坊祀祝融之神一名火神廟徽宗欲建火星觀於太乙宮側右正言任伯雨有疏

諫止之茲祠不知創於何時未詳

小龍祠

在城外汴河上

鐵圍山叢談 江湖間小龍號靈異見諸傳說甚悉崇寧中淮水暴漲汴口檣舟不能進一日昧爽小龍出附運綱之舟尾有舵工之婦不識也謂是蜥蜴撥置之則又緣舵而上婦怒舉火柴擊其首隨擊霹靂大震一聲汴口官私舟船七百餘隻皆自相撞擊俱碎死者數十百人朝廷聞而不樂第命官賑卹焉會發運使上計而小龍復出大漕窘懼乃焚香祝之曰願

與王偕上計入覲天子可乎小龍即作喜悅狀因舉身入香奩中不動大漕遂携至都輦以示魯公得奏聞上遣使取入內為具酒核以祝之龍輒躍出奩中兩爪據金盃飲幾釂於是天子異之取大琉璃盒貯龍親加封識焉降付都門外汴水小龍祠中一夕封識宛如故啟視龍已變化去矣上喜加封四字敞其祠宇焉

嘉應侯祠

張氏淮陰東南隅熙寧間百姓共立相傳神東

州郡往有祠所謂張太尉是也又稱舍人元豐中光獻太皇太后祈請有感封嘉應侯後廢

許真君祠

夙著在上清之儲祥宮內真君晉人也為旌濟真

宋東京考

卷之十五

九

君以所遺詩以一百二十首書之竹簡載之箒中令人探取以決休咎名曰聖籤祠後廢

朝野僉載

西晉末有旌陽縣令許遜者得道於豫章

西山江中有較為患旌陽沒水劍斬之後不知所在

續文獻通考

許真君名遜字敬之南昌人生而穎悟

從吳猛得神方祕法以修煉為事晉太康初為蜀旌陽令尋棄官東歸遇謚姆傳以道術遂斬蛇誅蛟悉除民害慮豫章為浮州蛟螭所穴乃於牙城南井鑄鐵為柱下施八索勾鎖地脉由是水妖屏息周遊江湖諸郡殄滅毒害乃歸舊隱精修至道寧康二年一百三十六歲忽一日羽蓋龍車自天而下遜登車與

其弟子家屬四十二人同時昇天雞犬亦隨焉

昭靈夫人祠在城東北四十五里夫人漢高祖母后也陵在寢為河水淤平後人即其地建祠詳見

後昭靈陵下

紫微雜記 鼂伯禹載之學問精確少見其比嘗作昭

靈夫人祠詩云殺翁分我一杯美龍種由來事杳冥

安用生兒作劉季暮年無骨葬昭靈

李衛公祠在城西南閘店保在祀唐將李靖

尉遲公祠在城南敬德唐將尉遲敬德

三賢祠在城南三元君像明許正德臺上丑二姑廟後舊有伯三龕改碧霞元君像明正德臺上丑二姑廟後舊有伯三龕改

西塑三賢像而為之記三賢以高李夢陽何大甫也嘉靖辛酉巡撫都御史蔡汝楠益以高李夢陽何大甫也嘉靖辛

### 宋東京考

### 卷之十五

### 十

賢祠按唐書高適李若甫天寶中聚梁宋間共飲吹臺之上慷慨擊歌旁若無人杜詩云憶與高李輩

論交入酒壚是時公壯藻思以讒嫉去國而適則登吹臺懷古視平蕪是時公壯藻思以讒嫉去國而適則登吹臺

尉耳

包孝肅公祠公名思之拯立祠於仁嘗治廳事有北始政厥後月

未詳明成化之間知府孫瑜徙建於府治之東隅隙地

### 廟

倉王廟在後鄭金門外金水河側

臯陶廟在祥符縣獄

泊宅編 今州縣獄皆立臯陶廟以時祀之蓋自漢已

然范滂繫獄吏俾祭臯陶滂曰臯陶賢者知滂無罪

將理之於帝如其無知祭之何益

武成王廟

在雷家橋西南  
金季展城毀廢

彙書詳註 建隆二年藝祖幸武成王廟歷觀兩廡所  
畫名將指白起像曰起殺已降不武豈宜受享命去  
之乃詔張昭竇儀高錫等取歷代謀臣名將功業始  
終無瑕者配享按唐開元十九年始置太公尚父廟  
以留侯張良配春秋二仲上戊祭之牲樂之制一如  
文宣出師命將日引辭於廟仍以古名將十人為十  
哲配享肅宗上元元年尊太公為武成王以白起韓  
信諸葛亮李靖李勣列於左張良田穰且孫武吳起

宋東京考

卷之十五

十一

樂毅列於右仍以張良為配建中二年詔史館考定  
可配享者列古今名將范蠡等六十四人圖其形焉  
皇朝事實 太祖建隆四年詔曰武成王廟從祀神像  
齊相管仲宜塑像升於堂上西河守吳起宜畫像降  
於廡下

祕笈新書

慶曆三年詔置武學於武成王廟以阮逸  
為教授未久議者以古名將如諸葛亮羊祜杜預等  
豈專學孫吳哉遂罷武學以立學無謂故也熙寧五  
年樞密院言古者出師受成於學文武弛張其道一  
也仁宗嘗建武學橫議中輟識者悼之乞復置武學

以追成先朝之志詔從之

山堂考索 武學置於慶曆三年以阮逸為教授未幾省去熙寧復置選知兵書者判武學置直講如國子監靖康之變不聞武學有禦侮者

歸田錄 王禹玉乃余為校理時武成王廟所解進士也至此新入翰林與余同院又同知貢舉故禹玉贈余詩曰十五年前出門下最榮今日預東堂余答詩曰昔時叨入武成宮曾看揮毫氣吐虹夢寐間思十年事笑譚今日一尊同喜君新賜黃金帶顧我宜為白髮翁

宋東京考

卷之十五

十二

呂氏日記 仁宗朝胡瑗嘗上書請興武學講論語使知忠孝仁義之道講孫吳使知制勝御敵之術於武臣子孫中選有智略者教習之必有成效撰成武學規矩一卷進呈時議難之

吳起廟

在府治後  
金季廢

二相廟

在城內祀子游  
夏廢久莫識其處

皮場公廟

在城內  
東北隅

燕翼詒謀錄 京師試於禮部者皆禱於二相廟二相者子游子夏也子游為武成宰子夏聘列國不知何以得相之名也今行都試禮部者皆禱於皮場廟皮

場即皮剥所也相傳皮場土地主瘍疾之不治者徽宗建中靖國元年六月詔封為靈貺侯其後累封明靈昭惠王今廟在萬壽觀之晨華館館與貢院為隣不知士人之禱始於何時館因何而置廟也

汴京遺蹟志 相傳皮場土地主瘍疾之不治者或曰皮場公即鄭大夫子皮也代父子展為上卿執國政鄭饑而未及麥民病子皮以父命餼國人粟戶一鍾鄭人德之立廟以祀而汴城距鄭不遠故亦廟祀焉二說未知孰是

紺珠閒錄 皮場廟宋時即建於貢院之右在萬壽觀

宋東京考

卷之十五

十三

之晨華館建中靖國元年傳聞皮場土地主瘍疾之不治者詔封為靈貺侯不知何義今浙省皮場廟亦以神鑿活人為示顯異神像以神農為主俗傳是明太祖處治賍吏剥皮場恐非是然瘍鑿何以誤為場字宋置廟何以與貢院為隣士人試禮部者皆禱於廟更不知何取

二郎廟

建在南薰門外一里許即蜀中灌口二郎神也始

盛勅賜號神保觀明正統十三年四月汴旱祈雨有應知祥符縣米榮重修按成都今古記秦昭王以李冰代蜀郡守鑿離堆避沫水之害穿二江成都中於是沃野千里號為陸海民思其惠立廟於灌口山於

可談 駙馬都尉李遵勗最號恭慎既失明猶戒勵子

弟故終身無過時京師競傳二郎廟出聖水治病輒愈李素不事鬼神一日其子舍有病稚家人竊往請水李聞大怒即杖其子且曰使爾子果當死二郎豈肯受枉法賊故活之耶若不能活又何求

文獻通考 政和七年詔修神保觀俗所謂二郎神者都人素畏之自春及夏傾城男女負土以獻揭榜通衢云某人獻土又有飾形作鬼使巡門催納土者或謂蔡京曰獻土納土非佳語也後數日有旨禁絕

宋稗類鈔 蜀中灌口二郎云是李冰第二子初封王號至徽宗改為真君張魏公用兵禱於其廟夜夢神

宋東京考

卷之十五

十四

語之曰我向封王有血食之奉今祭我以素食故無威福之靈今須復封為王當有威靈相助魏公遂乞復其封每歲人戶祭賽殺羊萬頭廟前積骨如山

趙王廟 在漢城東北張耳後寺保祀

劍客廟 在龍灣新鄭西後門外轉

樊侯廟 在漢望春後門外祀

單將軍廟 在唐望春門內西北隅

旗纛廟 在後城內

鼠璞 唐百官志節度使辭日賜雙旌雙節行則建節立六纛入境築節樓迎以鼓角本朝有六纛旌節門

旗二受賜者藏於公宇私室皆別為堂號節堂每朔  
望之次日祭之號衙禮蓋有旌節則有神祀今節鎮  
重此祠節堂衙禮廢矣

德安公廟

在保安康公門外即夷其廟令開封府春秋致祭

後廢

崔府君廟

在城北相州唐滏陽令崔瑀死為神主冥

誕辰遊人甚盛後詔修殿宇賜名護國廟及送衣服  
供具景德元年重修每歲春秋令開封府遣官致祭

後封護國顯  
應公已廢

河南通志

唐崔珏字子玉定平人德宗時為滏陽令

時縣有虎害一孝子為虎所食珏乃以牒攝虎虎至

宋東京考

卷之十五

十五

服罪一縣以為神卒塋滏陽民立廟祀之